



*Jumat, 12 Maret 2021*

**Oge: 2 Korinti 10: 3-6**



**Tetap Erjuang**



**P**ernah nge cengkal pusuhta si mpeturah rawa bas pusuherkitekene ituriken kalak si la tuhu kerna kita? Perban si e kita arus "membersihkan nama" ras erbahan *klarifikasi* gelah kita la isangka kalak tuhu bagi berita si la uli. Tuhu, pergumulen sibage cukup mberat. I bas zamanna, Rasul Paulus pe pernah mbela dirina, mbela pemberitaan/ pendahinna i tengah-tengah perpulungen Korinti, sebab lit pengakap si enterem maka Paulus e la obahna seri ras pengajar-pengajar palsu si seh kal teremna isekelewetna asum si e. Pengajar-pengajar palsu si erdahin guna kepentingenna pribadi, guna ngaloken untung arah pemberitan si la tuhu. Nina rasul Paulus "kami manusia biasa tapi erjuang make senjata Dibata si erkuasa, si ngasup ngeruntuhkan benteng-benteng kesombongan si ibangun kalak guna ngambati manusia nandai Dibata. Iagui kami me si e kerina gelah kalak erkemalangen man Kristus. Adi enggo ngasup ia nandai Kristus, maka kerina kinilapatuhen ndatken ukumen".

Biak Dibata si mehuli, bujur dingene mulia enggo lit i bas dirinta. Guna mpertahanken biak Dibata si lit bas dirinta e labo mesunah. Perlu perjuangan. Melala si ngajuk kita guna nadingken biak Dibata e, lanai nggit nggeluh bagi si ngena ate Dibata. Tawaren-tawaren doni enda, nggeluh senang tapi la ngena ate Dibata, melala untung tapi ngerugiken kalak, erberita kerina si la tuhu gelah kalak soor megi-megisa. Lit kalak si enggo nyaman ndalanken si bage rupa. Tapi kita, moria si erkemalangen man Tuhan kita arus tetap erjuang guna ndalanken si benar. Sebab tek kita ndalanken si benar e melala perulihenna i bas Tuhan nari, sebab e me siiarapken Dibata sidalanken bas kegeluhenta enda. Labo perlu si darami pembelan maka kita kalak Kristen si paguh erkitekene. Si perlu tuduhkan arah sikap ras perbahanennta maka I abs ita lit biak Dibata.



Blank writing area with a wavy top edge.